

Tswana - Golotswe mo Loso Dikwalo - Free from Death Scriptures

Romans 6:23 gonne tefo ya boleo ke loso, mme neo ya bopelotlhomogi ya Modimo ke bophelo jo bo sa khutleng jo bo bonwang mo go Keresete Jesu, Morena wa rona.

Romans 8:2 Gonne molao wa mowa wa go phela ka Keresete Jesu o nkgoletse mo molaong wa boleo, wa loso.

2 Timotheo 1:10 mme jo jaanong bo senotsweng ka iponatso ya ga Keresete Jesu, Mogolodi wa rona, yo o nyeleditseng loso, a baya bophelo le bosasweng mo leseding ka Efangele

Jobe 5:2 Kana lesilo le bolawa ke go ngala; seelele se swa ka lefufa la sona.

Hosea 13:14 Mme ke tla ba golola mo felong ga baswi, ke ba rekolola mo losong. Loso, matlhoko a gago a kae? Felo ga baswi, tshenyo ya gago e kae? Mme ga nkitla ke ikwatlhaela tseo.

DipeSalome 9:14 Morena, intshwarele, ela se ke se bogang mo go bona ba ba ntloileng tlhoko, wena yo o ntsholetsang mo dikgorong tsa loso,

Jobe 6:26 A lo rata go kgalemela mafoko fela, mme lo tseisa mafoko a mosolofologi phefo?

Jobe 33:22 Mowa wa gagwe o atamele lebitla, bophelo jwa gagwe bo atamele ba ba tlisang loso.

Hesekiele 37:12,13 Ka moo rera, ò ba ree ò re: 'Morena Modimo o bua jaana o a re: Bonang, ke tla bula diphupu tsa Iona, ke lo ntsha mo diphupung tsa Iona, Iona batho ba me, ke lo busetsa kwa lefatsheng la Israele. 13 Lo tla lemoga, fa ke le Morena, mogang ke bulang diphupu tsa Iona, ke lo ntsha mo diphupung tsa Iona, Iona batho ba me.

Mattheo 27:52 diphupu tsa bulega, mebele e mentsi ya baitshepi ba ba neng ba robetse ya tsosiwa,

Genesi 2:7 Ke fa Morena Modimo o bopa motho ka lerole la mmu, o budulela mowa wa bophelo mo dinkong tsa gagwe; motho a nna mophedi jalo.

Genesi 6:17 Gonne ke tla tlisa morwalela wa metsi mo lefatsheng, e le go senya nama yotlhe e mowa wa bophelo o leng mo go yona fa tlase ga letsatsi; tsotlhe tse di mo lefatsheng di tla swa.

Genesi 7:15 Tsa tsena kwa go Noa mo mokorong, e le bobedi le bobedi jwa nama yotlhe e mowa wa bophelo o leng mo go yona.

Genesi 7:22 Tsotlhe tse di neng di na le mowa wa bophelo mo dinkong tsa tsona, tsotlhe tse di neng di le fa go omileng tsa swa.

Jobe 12:10 Kana bophelo jwa tse di phelang tsotlhe le mewa ya mebele ya batho botlhe di mo seatleng sa gagwe.

Jobe 33:4 Mowa wa Modimo o ntirile; Mowa wa Mong-wa-thata-yotlhe o a

mphedisa.

Ditiro 17:25 le gona ga o direlwé ka diatla tsa batho, jaaka e kete o tlhoka sengwe, etswe e le ona ka osi o o nayang botlhé bophelo le mowa le tsotlhé.

Tshenolo 13:15 Sa be sa newa go tsenya setshwantsho sa sebata mowa gore se be se bue; gape sa dira gore botlhé ba ba sa obameleng setshwantsho sa sebata ba bolawé.

Johane 10:10 Legodu le tla fela go utswa le go bolaya le go senya. Nna ke tsile gore di baane le bophelo, di be di nne le letlotlo.

Jesaya 28:15 E re ka lo buile lwa re: "Re dirile kgolagano le loso, re utlwanye le felo ga baswi; fa petso e tla ka thata jaaka morwalela, ga e nke e fitlha mo go rona; gonre re dirile maaka botshabelo jwa rona, re iphitlha ka tsietso."

Jesaya 28:18 Kholagano e lo e dirileng le loso e tla senngwa; kutlwano e lo utlwanyeng le felo ga baswi ka yona ga e nke e tlhomama. Mme fa petso e e kgopholang e ralala, e tla lo gataka.

Jesaya 5:24 Ke gona ka moo modi wa bone o tla bolang, sethunya sa bone se tla tlhatloga e le lerole, jaaka kgabo ya molelo e ja dirite le jaaka tlhaga e kokobelela mo molelong; gonre ba latlhile molao wa Morena wa masomosomo, ba nyatsa lefoko la Moitshepi wa Israele.

Joele 1:12 Setlhare sa moweine se omeletse, sa feie se swabile; le sa garanata le sa mokolane le sa apole le ditlhare tsotlhé tsa naga di omeletse; boitumelo bo tlogile jalo mo bathong.

Hosea 13:15 Le fa Eferaime a ungwa maungo mo gare ga bomorwa-rraagwe, go tla tla phefo e e tswang kwa botlhabsatsi, e leng phefo ya Morena e e tsogang mo sekakeng. Foo motswedi wa gagwe o tla tsha, sediba sa gagwe se kgala. Mmaba o tla thopa khumo ya dilo tse di eletsegang tsa mefutafuta.

Tshenolo 22:1 Jaanong a mpontsha noka ya metsi a bophelo a a itshekileng jaaka lentswe le le galalelang, e tswa mo sedulong sa bogosi sa Modimo le sa Kwana.

Johane 4:10 Jesu a mo araba a re: "Fa o ka bo o itse neo ya Modimo le gore ke mang yo o go rayang a re: Mphe ke nwe! ke wena o ka bong o mo kopile, mme a ka bo a go naya metsi a a phelang."

Johane 4:14 mme yo o ka nwang metsi a nna ke tla a mo nayang, ga a ka ke a tlhola a nyorwa ka bosena-bokhutlo; mme metsi a ke tla a mo nayang a tla nna motswedi mo go ene o o elelang go isa bophelong jo bo sa khutleng.

Diane Salema 13:14 Thuto ya letlhale ke motswedi wa bophelo gore motho a falole mo dirung tsa loso.

Diane Salema 14:27 Go boifa Morena ke motswedi wa bophelo gore motho a

falole mo dirung tsa loso.

Hesekiele 13:17-23 “Wena morwa-motho, lebisa sefatlhego sa gago kwa go bomorwadia morafe wa ga eno go lwa nabo, ba ba itirang baporofeti, ba rera tse di tswang mo dipelong tsa bone, o rere ka ga bone 18 o re: ‘Morena Modimo o bua jaana a re: A tatlhego wee ya basadi ba ba rokelang ditokololo tsotlhe tsa mabogo merabana, ba ba direlang ditlhogo tsotlhe tse di fetafetanang dikuane tse di phekotsweng, e le go tsoma batho. A lo a re lo tsoma batho ba morafe wa me le go iphedis ka bone? 19 Lo intshepolola mo morafeng wa me gore lo bone garase e e tlalang diatla le dithathana tsa bogobe, gore lo tle lo bolae mewa e e sa tshwanelang go swa; gore lo phedise mewa e e sa tshwanelang go phela ka maaka a Iona a go aketsa morafe wa me, o o ratang go utlwa maaka.’ 20 “Ke ka moo Morena Modimo o buang jaana a re: ‘Bonang, ke tla lwa le merabana ya Iona e lo tsomang batho ka yona jaaka dinonyane; ke tla e gagola, ke e tlosa mo mabogong a Iona; ke tla golola batho ba lo ba tsomang gore ba gologe jaaka dinonyane. 21 Ke tla gagola dikuane tsa Iona, ke falodisa batho ba me mo diatleng tsa Iona, mme ga ba kitla ba tlhola ba nna mo diatleng tsa Iona, lo ba ipapaletse, gore lo tle lo itse, fa ke le Morena. 22 “‘E re ka lo boifisitse dipelo tsa basiami ka maaka, tse nna ke neng ke sa rate go di utlwisa botlhoko; lwa tiisa diatla tsa baikepi gore ba se ka ba tlogela ditsela tsa bone tse di bosula, le gore ba se ka ba phedisiwa, 23 ka moo ga lo kitla lo tlhola lo bona dipono tse di tsietsang le e seng go bolela tsa boitseanape; mme ke tla golola morafe wa me mo diatleng tsa Iona gore lo tle lo itse, fa ke le Morena.’ ”

Jeremia 21:8 “Mme o ree morafe o ò re: ‘Morena o bua jaana a re: Bonang, ke baya tsela ya bophelo le tsela ya loso fa pele ga Iona.

Jobe 34:22 Ga go na lefifi le e seng bontsho jo bo kwenneng kwa badiradibe ba ka iphitlheng teng.

DipeSalome 16:10 Gonne ga o kitla o tlogela mowa wa me go tsena mo bobipong, le e seng go leseletsa moitshepi wa gago go bona go bola.

DipeSalome 23:4 Le fa ke tsamaya mo mogorogorong wa moriti wa loso, ga nkitla ke boifa bosula bope; gonne o na le nna. Tsamma ya gago le seikokotlelo sa gago di a nkgomotsa.

DipeSalome 30:4 Morena, o tlhatlositse mowa wa me mo felong ga baswi, o mphedisitse ke le mo go bona ba ba fologelang mo moleting.

DipeSalome 49:16 Mme nna, Modimo o tla golola mowa wa me mo thateng ya fele ga baswi, gonne o tla ntshola. Sela.

DipeSalome 56:14 Gonne o golotse bophelo jwa me mo losong le dinao tsa me mo go kgotsweng gore ke tsamae fa pele ga Modimo mo leseding la bophelo.

DipeSalome 68:21 Modimo ke Modimo wa dithuso mo go rona; Modimo

Morena o itse go re falodisa mo losong.

DipeSalome 89:49 Motho ke mang yo o ka phelang, a sa bone loso, mme a golola mowa wa gagwe mo thateng ya felo ga baswi? Sela.

DipeSalome 102:20,21 Gonne o lebile kwa tlase a le kwa bogodimong jo bo boitshepo jwa gagwe; Morena o lebile lefatshe a le mo legodimong 21 gore

a utlwe diphegelo tsa bagolegwi, le gore a golole ba ba atlholetsweng loso

DipeSalome 116:8 Ee, o nkgolotse mo losong le matlho a me mo dikeleding le dinao tsa me mo go kgotsweng.

Diane Salema 10:2 Dikhumo tsa tshiamololo ga di thuse sepe, mme tshiamo e golola mo losong.

Jesaya 26:19 Mme baswi ba gago ba tla phela, ditoto tsa me di tla tsoga. Ba ba agileng mo leroleng ba tla rula, ba duduetsa. Gonne monyo wa gago ke monyo wa masedi, mme lefatshe le tla ntshetsa baswi mo bophelong.

Johane 5:28,29 Se gakgamaleleng moo; gonne nako e e tla e botlhe ba ba mo diphupung ba tla utlwang lentswe la gagwe ka yona. 29 Ba tla tswa, ba ba dirileng tse di molemo go ya tsogong ya bophelo, ba ba dirileng tse di bosula bone go ya tsogong ya katlholo.

Johane 10:28 Ke di naya bophelo jo bo sa khutleng. Ga di ka ke tsa latlhaga, le fa e le ka motlha ope; le gona ga go ope yo o ka di phamolang mo seatleng sa me.

Johane 11:43,44 Ya re a sena go bua jalo, a goa ka lentswe le legolo a re: "Lasaro, tswela kwano!" 44 Ke fa yo o neng a sule a tswa, a fapakilwe diatla le dinao ka masela a phupu, le sefatlhego sa gagwe se fapilwe ka lesela. Jesu a ba raya a re: "Mmofololeng, lo nte a tsamae."

Johane 12:17 Jaanong batho ba ba neng ba na nae, fa a bitsa Lasaro go tswa phupung, a mo tsosa baswing, ba ne ba ntse ba supa ka ga moo.

Johane 17:2 jaaka o mo neile thata mo nameng yotho gore mongwe le mongwe yo o mo mo neileng a mo nee bophelo jo bo sa khutleng.

1 BaKorinthe 15:19-26 Fa re solo fela mo go Keresete tsa botshelo jono fela, re tla bo re tlhomola pelo bogolo go batho botlhe. 20 Mme jaanong Keresete o tsositswe mo baswing, a nna lebutswa-pele mo go ba ba robetseng. 21 Gonner e re ka loso lo tsile ka motho, le tsogo ya baswi e tsile ka motho. 22 Gonner botlhe ba tla phedisiwa ka Keresete jaaka botlhe ba swa ka Atame; 23 mongwe le mongwe ka fa thulaganyetsong ya gagwe: Keresete e le wa ntlha; morago ga moo ba e leng ba ga Keresete, motlhong a tlang. 24 ke gona go tla tlang bokhutlo, motlhong a tla neelang Modimo Rara bogosi, a sena go nyeletsa puso yotlhe le taolo yotlhe le thata yotlhe. 25 Gonner o tshwanetse go busa go ya o be o digele dira tsotlhe fa tlase ga dinao tsa gagwe. 26 Mmaba wa bofelo yo o tla nyelediwang ke loso.

2 BaKorinthe 1:9,10 Tota mo teng ga rona re ne re setse re ineetse go swa, e

le gore re se ka ra iikanya ka rosi, mme re ikanye Modimo o o tsosang baswi, 10 o o re golotseng mo losong lo lo kalokalo, mme o sa ntse o re golola, o re solo felang mo go ona gore o tla nna o re golola;

2 BaKorinthe 3:6 o o re nonofisitseng go nna badiredi ba kgolagano e ntshwa, e seng ba tlhaka ya Lokwalo, mme e le ba Mowa; gonne tlhaka e a bolaya, mme Mowa o a phedisa.

BaKolose 1:21,22 Le Iona ba e rileng pele Iwa bo lo le baeng le baba ka go tlhalefela ditiro tse di bosula. 22 jaanong Jesu o lo ruantse ka loso a le mo mmeleng wa gagwe wa nama gore a lo emise fa pele ga ona, lo le boitshepo, lo se na molato, lo sa nyatsege.

BaHebere 2:9 Mme ene yo o ne a fetwa ke baengele ka sebakanyana, e bong Jesu, re mmona a rwsitswe kgalalelo le tlotlo ka ntlha ya pogiso ya loso gore a utlwele mongwe le mongwe loso ka bopelotlhomogi jwa Modimo.

BaHebere 2:14,15 Jaanong e re ka bana ba na le madi le nama, le ene a nna natso fela jalo, gore a nyeletse ka loso ene yo o nang le thata ya loso, e bong Diabolo, 15 a be a golole botlhe ba ba neng ba le mo bokgobeng botshelong jotlhe ka go boifa loso.

BaHebere 11:5 Ke ka tumelo Henoge a tlositsweng gore a se bone loso; mme a se ke a bonwa, ka Modimo o ne o mo tlositse; mme e rile pele a ise a tlosiwe, a newa tshupo ya gore o kgatlhile Modimo.

1 Petoro 3:18 Gonne Keresete le ene o kile a bogela maleo a rona gangwe fela, ene mosiami mo boemong jwa basiamolodi, gore a re ise kwa Modimong; a bolawa ka fa nameng, mme a tshedisiwa ka fa moweng.

2 Petoro 1:3 Kana ke thata ya gagwe ya bodimo e e re abetseng dilo tsotlhe tse di re direlang bophelo le poifo-Modimo, ka go itse ene yo o re biditseng ka kgalalelo ya gagwe le ka maatlameetlo a gagwe.

1 Johane 3:14 Re itse gore re dule mo losong, ra tsena mo bophelong, ka re rata badumedi-ka-rona. Yo o sa rateng modumedi-ka-ene o setse mo losong.

1 Johane 5:11 Mme tshupo eo ke e e reng: Modimo o re neile bophelo jo bo sa khutleng, mme botshelo joo bo mo go Morwaa-on.

Tshenolo 21:6 A ba a nthaya a re: "Go dirafetse. Ke nna Alefa le Omega, tshimologo le bokhutlo. Yo o nyorilweng ke tla mo nosa mo motswedding wa metsi a botshelo, e se ka sepe.